

光緒丁丑年重修

撫甯縣志

本衙藏板

縣志序

撫志自康熙二十一年吾鄉
趙公踵而修之已一百九十
餘年矣當時臨撫未分所載
山川人物今昔攸殊乾隆二
年改山海衛添設臨榆縣東
至渝水南至戴家河北至背
牛嶺畫疆而治而一切紀載

仍其舊而不亟爲釐訂焉可
乎哉光緒二年奉檄纂修
於是招集諸生廣爲採訪屬
樊君文心草創編次特敦延
樂亭史君香崖秉筆總纂未
期年而稿定夫荒墩古壘未
得與老兵賸卒訪求遺蹟鄉
閭獨行又未能與搢紳先生

發其遺書年湮代遠欲蒐羅
二百載之事鉅細無遺蓋亦
甚難矣然而風俗之盛衰人
文之顯晦陵谷之變遷按籍
而稽已瞭如指掌撫城地當
四達郵政之要供億之煩
鑾輿東幸在所必經貢使齎書不
絕於道寔

兩京之鎖鑰也入臺營登箭竿嶺
青山界嶺長城如帶羣山糾
紛眞所謂天險可以見古人
行兵置戍之意焉問物產則
桑麻遍野昔之砂磔不毛之
區漸成沃壤問文物則絃歌
萬戶昔之山陬僻處今皆秉
耒而讀詩書官無論久暫有

功者貴士無論貴賤薰德者
良至於聞義之匹夫死綏之
壯士攀樹之孤兒斷機之賢
婦此

國家重熙累洽人道化成以有此
也若夫殘碑斷碣羽客緇流
騷士品題幽人高蹈雖無關
於政事亦千古考鏡之資也

月
余學術荒蕪謬膺重舉特恐
此邦文獻埋沒於荒煙蔓草
間正復不少如我趙公之流
風遺愛鴻篇鉅製名傳後世
其相去爲何如哉是所望於
後之君子補其漏而釐正之
則幸甚

光緒三年歲次丁丑五月下

浣知撫甯縣事錢塘張上龢
撰

撫甯縣志凡例

一永平府志分圖表志傳景定建康志例也茲總謂之志
其人物志卽傳也而表則缺焉蓋撫邑幅隕未廣文殘
獻闕不能如府志之詳

一臨撫未分以前統歸一縣今既分疆而理凡山川人物
在臨榆境者悉刪之

一舊志首天文曰星野曰災祥此後世史家所見譏於劉
知幾者況邑乘乎茲增立前事一門編年紀載卽以災
祥間敘其間亦大事必書之義也星野旣載府志中縣
可從省

一邑志例有八景半屬湊合靈壽志刪之後世每奉爲圭臬茲謹遵其例凡藝文志內之詩文碑記與一切留連光景之作悉分附於山川祠宇之下省去藝文一門

一舊志藝文有王長史魯僉事各傳與人物名宦志殊嫌複沓茲皆併而一之以省紛煩

一舊志有禮典一門乃天下所通行郡縣別無異同茲撮其要附註於各事之下而此門從刪

一人物當以史傳爲首因明史止有翟尙書一傳不便另分故仍用舊傳而以明史列傳附於其後宋玉叔觀察王和陽傳亦仿此例

一元魏竇瑗魏書稱其爲遼西遼陽人北史則稱爲遼西
陽洛人陽洛卽陽樂其人本當收入然今之撫甯有漢
陽樂縣地而漢陽樂縣地終難概以今之撫甯也今府
志已載故縣志從省至魏書遼陽之誤其辨已見府志
中

一明季撫甯衛裁併山海衛撫甯衛人皆爲山海衛人矣
楊忠愍公籍山海而其祖居實在撫城故收爲縣人

一舊志修於康熙壬戌趙侯端去譚劉二侯之修甫數載
增補採訪自易爲力今閱年將二百矣文獻無徵其難
豈啻數倍邑明經樊君文心因前志所載益以已所見

聞采訪編次兼任其勞一年而各門略備茲雖稍有更
定然大半本於樊稿至管見所及間事辨析亦惟實事
求是而已不敢隨聲亦不欲掠美也

樂亭史夢蘭謹識

撫甯縣志

修輯姓氏

鑒定

誥授朝議大夫直隸永平府知府游智開

湖南新化人
辛亥舉人

纂修

欽加同知銜調署永平府撫甯縣知縣張上龢

浙江錢塘人附廕生

欽加同知銜

國史館議敘知縣史夢蘭

樂亭縣人
庚子舉人

協修

撫甯縣教諭

楊呈華

武邑縣人
戊午舉人

撫甯縣訓導

魯松

豐潤縣人
甲辰舉人

歲貢生候選訓導樊勰邑人

分校

前署榆關驛丞施廷桂浙江山陰人

五品銜現任榆關驛丞王世興浙江山陰人寄藉奉天

前署撫甯縣典史萬秉銓江西南城人

現任撫甯縣典史李金第安徽含山人

參校

壬戌科進士即用知縣國子監監丞王兆柏邑人

增貢生候選通判王立柱邑人

廩貢生候選訓導王致澂邑人

歲貢生候選訓導張近光

邑人

採訪

邑

舉

人

侯永芳

邑

貢

生

馬廷輔

邑

廩

生

黨錫庚

邑

廩

貢

生

李晉圖

邑

附

貢

生

楊藝林

邑

廩

生

王景顏

邑

附

生

任賓亨

邑

附

生

張鳳儀

邑附生 韓大成

邑廩生 楊蔭墀

邑附生 韓遇春

邑附生 張祖培

邑廩生 徐鼎勛

邑廩生 單崇慶

邑附生 金寶莊

邑貢生 張恩培

邑附生 楊元璞

邑廩生 黃際春